



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՎՃՌԱԲԵԿ ԴԱՏԱՐԱՆ

Ո Ր Ո Շ ՈՒ Մ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՆՈՒՆԻՑ

Արագածոտնի մարզի առաջին ատյանի
ընդհանուր իրավասության դատարան,
նախագահող դատավոր՝ Ս.Մնոյան

Հայաստանի Հանրապետության
վերաքննիչ քրեական դատարան,
նախագահող դատավոր՝ Լ.Աբգարյան
Գ.Հովհաննիսյան
Կ.Հովհաննիսյան

3 ապրիլի 2026 թվական

ք.Երևան

ՀՀ Վճռաբեկ դատարանի քրեական պալատը (այսուհետ՝ Վճռաբեկ դատարան),

նախագահությամբ՝
մասնակցությամբ դատավորներ՝

Հ.ԱՍԱՏՐՅԱՆԻ
Ս.ԱՎԵՏԻՍՅԱՆԻ
Ա.ԴԱՆԻԵԼՅԱՆԻ
Լ.ԹԱԴԵՎՈՍՅԱՆԻ
Ա.ՊՈՂՈՍՅԱՆԻ

գրավոր ընթացակարգով քննության առնելով ՀՀ վերաքննիչ քրեական դատարանի՝
2024 թվականի հունվարի 11-ի որոշման դեմ մեղադրյալ Անուշավան Գևորգի
Հակոբյանի պաշտպան Ա.Հակոբյանի, մեղադրյալ Վոլոդյա Ռոբերտի Մանուկյանի
պաշտպան Ա.Ներսիսյանի և մեղադրյալ Արտակ Ռոբերտի Այվազյանի վճռաբեկ
բողոքները,

Պ Ա Ր Զ Ե Ց

Վարույթի դատավարական նախապատմությունը.

1. 2019 թվականի մարտի 3-ին, ՀՀ ոստիկանության Արագածոտնի մարզային վարչության Արագածի բաժնում, 2003 թվականի ապրիլի 18-ին ընդունված ՀՀ քրեական օրենսգրքի (այսուհետ՝ նաև ՀՀ նախկին քրեական օրենսգիրք) 177-րդ հոդվածի 2-րդ մասի 3-րդ կետի հատկանիշներով, հարուցվել է թիվ 25150819 քրեական գործը:

2019 թվականի մարտի 29-ին, ՀՀ ոստիկանության Արագածոտնի մարզային վարչության Արագածի բաժնում, ՀՀ նախկին քրեական օրենսգրքի 177-րդ հոդվածի 2-րդ մասի 3-րդ կետի հատկանիշներով, հարուցվել է թիվ 25151219 քրեական գործը:

Նախաքննության մարմնի՝ 2019 թվականի ապրիլի 1-ի որոշմամբ թիվ 25151219 քրեական գործը միացվել է թիվ 25150819 քրեական գործին:

1.2. Նախաքննության մարմնի՝ 2019 թվականի մայիսի 3-ի որոշմամբ Անուշավան Գևորգի Հակոբյանը ներգրավվել է որպես մեղադրյալ և նրան մեղադրանք է առաջադրվել ՀՀ նախկին քրեական օրենսգրքի 177-րդ հոդվածի 2-րդ մասի 1-ին և 3-րդ կետերով:

Նախաքննության մարմնի՝ 2019 թվականի մայիսի 7-ի որոշմամբ Արտակ Ռոբերտի Այվազյանը ներգրավվել է որպես մեղադրյալ և նրան մեղադրանք է առաջադրվել ՀՀ նախկին քրեական օրենսգրքի 177-րդ հոդվածի 2-րդ մասի 1-ին և 3-րդ կետերով ու 177-րդ հոդվածի 2-րդ մասի 3-րդ կետով:

Նախաքննության մարմնի՝ 2019 թվականի մայիսի 13-ի որոշմամբ Վոլոդյա Ռոբերտի Մանուկյանը ներգրավվել է որպես մեղադրյալ և նրան մեղադրանք է առաջադրվել ՀՀ նախկին քրեական օրենսգրքի 38-177-րդ հոդվածի 2-րդ մասի 1-ին և 3-րդ կետերով:

2019 թվականի հուլիսի 3-ին քրեական գործը մեղադրական եզրակացությամբ ուղարկվել է Արագածոտնի մարզի առաջին ատյանի ընդհանուր իրավասության դատարան (այսուհետ՝ Առաջին ատյանի դատարան):

2. Առաջին ատյանի դատարանի՝ 2023 թվականի սեպտեմբերի 11-ի դատավճռով Անուշավան Հակոբյանը մեղավոր է ճանաչվել 2021 թվականի մայիսի 5-ին ընդունված ՀՀ քրեական օրենսգրքի (այսուհետ՝ ՀՀ գործող քրեական օրենսգիրք) 254-րդ հոդվածի 2-րդ մասի 1-ին և 3-րդ կետերով և նրա նկատմամբ պատիժ է նշանակվել

ազատագրելու՝ 2 (երկու) տարի ժամկետով: ՀՀ նախկին քրեական օրենսգրքի 70-րդ հոդվածի հիման վրա, Ա.Հակոբյանի նկատմամբ ազատագրելու ձևով նշանակված պատիժը պայմանականորեն չի կիրառվել, ու սահմանվել է փորձաշրջան՝ 3 (երեք) տարի ժամկետով: Ա.Հակոբյանի նկատմամբ որպես խափանման միջոց ընտրված չհեռանալու մասին ստորագրությունը թողնվել է անփոփոխ:

Արտակ Այվազյանը մեղավոր է ճանաչվել ՀՀ գործող քրեական օրենսգրքի 254-րդ հոդվածի 2-րդ մասի 1-ին և 3-րդ կետերով և նրա նկատմամբ պատիժ է նշանակվել ազատագրելու՝ 2 (երկու) տարի 6 (վեց) ամիս ժամկետով, 254-րդ հոդվածի 2-րդ մասի 3-րդ կետով՝ ազատագրելու՝ 2 (երկու) տարի 6 (վեց) ամիս ժամկետով: ՀՀ նախկին քրեական օրենսգրքի 66-րդ հոդվածով սահմանված կարգով՝ նշանակված պատիժները մասնակիորեն գումարելու միջոցով, Ա.Այվազյանի նկատմամբ վերջնական պատիժ է նշանակվել ազատագրելու՝ 3 (երեք) տարի 6 (վեց) ամիս ժամկետով: Ա.Այվազյանի նկատմամբ որպես խափանման միջոց ընտրված չհեռանալու մասին ստորագրությունը թողնվել է անփոփոխ:

Վոլոդյա Մանուկյանը մեղավոր է ճանաչվել ՀՀ գործող քրեական օրենսգրքի 46-254-րդ հոդվածի 2-րդ մասի 1-ին և 3-րդ կետերով և նրա նկատմամբ պատիժ է նշանակվել ազատագրելու՝ 2 (երկու) տարի ժամկետով: ՀՀ նախկին քրեական օրենսգրքի 66-րդ հոդվածի 6-րդ մասով և ՀՀ գործող քրեական օրենսգրքի 78-րդ հոդվածով սահմանված կարգով, Վ.Մանուկյանի նկատմամբ վերջնական պատիժ է նշանակվել ազատագրելու՝ 2 (երկու) տարի 15 (տասնհինգ) օր ժամկետով և տուգանք՝ 500.000 (հինգ հարյուր հազար) ՀՀ դրամի չափով: Վ.Մանուկյանի նկատմամբ որպես խափանման միջոց ընտրված չհեռանալու մասին ստորագրությունը թողնվել է անփոփոխ: «*****» բաց բաժնետիրական ընկերության քաղաքացիական հայցը բավարարվել է և վճռվել է Ա.Հակոբյանից, Ա.Այվազյանից ու Վ.Մանուկյանից համապարտության կարգով հոգուտ ընկերության բռնագանձել 462.500 (չորս հարյուր վաթսուներկու հազար հինգ հարյուր) ՀՀ դրամ, Ա.Այվազյանից նաև 207.000 (երկու հարյուր յոթ հազար) ՀՀ դրամ որպես հանցագործությամբ պատճառված վնասի հատուցում:

3. Դատախազի և մեղադրյալների պաշտպանների վերաքննիչ բողոքների քննության արդյունքում, ՀՀ վերաքննիչ քրեական դատարանը (այսուհետ՝ նաև Վերաքննիչ դատարան) 2024 թվականի հունվարի 11-ին որոշում է կայացրել

բողոքները մերժելու, Առաջին աստանի դատարանի՝ 2023 թվականի սեպտեմբերի 11-ի դատավճիռն անփոփոխ թողնելու մասին:

4. Վերաքննիչ դատարանի վերոնշյալ որոշման դեմ մեղադրյալ Ա.Հակոբյանի պաշտպան Ա.Հակոբյանը, մեղադրյալ Վ.Մանուկյանի պաշտպան Ա.Ներսիսյանը և մեղադրյալ Ա.Այվազյանը բերել են վճռաբեկ բողոքներ, որոնք Վճռաբեկ դատարանի՝ 2024 թվականի հունիսի 18-ի որոշմամբ ընդունվել են վարույթ և սահմանվել է դատական վարույթի իրականացման գրավոր ընթացակարգ:

Վճռաբեկ բողոքների հիմքերը, փաստարկները և պահանջը.

Վճռաբեկ բողոքները քննվում են հետևյալ հիմքերի սահմաններում՝ ներքոհիշյալ փաստարկներով.

Պաշտպան Ա.Հակոբյանի վճռաբեկ բողոքի հիմքերը, փաստարկները և պահանջը.

5. Բողոքի հեղինակի պնդմամբ՝ Վերաքննիչ դատարանն առերևույթ թույլ է տվել լուրջ դատական սխալ, և լուրջ փաստական հանգամանք ի հայտ գալու ուժով կայացված դատական ակտը խաթարում է արդարադատության բուն էությունը:

Բողոքի հեղինակը նախ փաստարկել է, որ մեղադրական դատական ակտը հիմնված է ապացույցների կամայական գնահատմամբ ձևավորված ենթադրության վրա, քանի որ առաջադրված մեղադրանքում Ա.Հակոբյանի մեղավորությունը չի հաստատվում փոխկապակցված վերաբերելի, թույլատրելի, հավաստի և բավարար ապացույցների ամբողջությամբ: Մասնավորապես՝ ըստ բողոքաբերի՝ մեղադրական դատավճիռը կայացվել է ապացույցների բավարար ամբողջությամբ չհիմնավորված մեղադրյալ Ա.Հակոբյանի նախաքննության ընթացքում տված խոստովանական ցուցմունքի հիման վրա, ավելին, այդ ցուցմունքը ստացվել է բռնության և դրա սպառնալիքի միջոցով: Մինևույն ժամանակ բողոք բերած անձը փաստարկել է, որ մեղադրանքի հիմքում դրվել են Ա.Հակոբյանի՝ վկայի դատավարական կարգավիճակով հարցաքննությամբ՝ դրանից բխող իրավունքների և պարտականությունների իրացմամբ ստացված տվյալները, այսինքն, Ա.Հակոբյանը չի հարցաքննվել կասկածի շուրջ, ուստի, նման եղանակով ստացված տեղեկությունների օգտագործումն անթույլատրելի է: Ըստ բողոքաբերի՝ Ա.Հակոբյանի՝ վկայի դատավարական կարգավիճակով տված ցուցմունքը որպես

ապացույց չի կարող օգտագործվել, նաև այն փաստարկմամբ, որ քրեական գործը քննության առնելիս դատարանների կողմից հիմք ընդունված քրեադատավարական օրենսդրության համապատասխան դրույթի իմաստով դատաքննության ընթացքում կարող է հրապարակվել միայն ամբաստանյալի՝ նախաքննության ընթացքում մեղադրյալի դատավարական կարգավիճակով տված ցուցմունքը:

5.1. Բողոքի հեղինակն անդրադարձել է նաև մեղադրյալ Ա.Հակոբյանի նկատմամբ նշանակված պատժին՝ գտնելով, որ այն համաչափ չէ վերագրված արարքին՝ խիստ լինելու պատճառով:

5.2. Բացի այդ, բողոք բերած անձը նշել է, որ Ա.Հակոբյանին մեղսագրված արարքի՝ որպես միջին ծանրության հանցանքի համար ՀՀ նախկին քրեական օրենսգրքի 75-րդ հոդվածի 1-ին մասի 2-րդ կետով նախատեսված քրեական պատասխանատվության ենթարկելու հնգամյա ժամկետի ընթացքն ընդհատված կամ կասեցված չէ և այն լրանալու օրվա՝ 2024 թվականի փետրվարի 21-ի դրությամբ, վերջինիս նկատմամբ առկա չի եղել օրինական ուժի մեջ մտած մեղադրական դատավճիռ, ուստի նրա նկատմամբ քրեական հետապնդումը պետք է դադարեցնել՝ քրեական պատասխանատվության ենթարկելու վաղեմության ժամկետն անցած լինելու պատճառաբանությամբ:

6. Վերոգրյալի հիման վրա, բողոք բերած անձը խնդրել է բեկանել Վերաքննիչ դատարանի՝ 2024 թվականի հունվարի 11-ի որոշումը և ճանաչել ու հռչակել Ա.Հակոբյանի անմեղությունը՝ ՀՀ նախկին քրեական օրենսգրքի 177-րդ հոդվածի 2-րդ մասի 1-ին և 3-րդ կետերով առաջադրված մեղադրանքում կամ քրեական պատասխանատվության ենթարկելու վաղեմության ժամկետն անցնելու հիմքով մեղադրյալ Ա.Հակոբյանի նկատմամբ քրեական հետապնդումը դադարեցնել:

Պաշտպան Ա.Ներսիսյանի վճռաբեկ բողոքի հիմքերը, փաստարկները և պահանջը.

7. Բողոքի հեղինակի պնդմամբ՝ Վերաքննիչ դատարանն առերևույթ թույլ է տվել լուրջ դատական սխալ, և լուրջ փաստական հանգամանք ի հայտ գալու ուժով կայացված դատական ակտը խաթարում է արդարադատության բուն էությունը:

Բողոքի հեղինակը նախ փաստարկել է, որ մեղադրական դատական ակտը հիմնված է ապացույցների կամայական գնահատմամբ ձևավորված ենթադրության վրա՝ ներկայացնելով սույն որոշման 5-րդ կետում շարադրված փաստարկները՝

հավելելով նաև, որ կասկածյալի դատավարական կարգավիճակով Ա.Հակոբյանի տված խոստովանական ցուցմունքը հերքվում է այլ ապացույցներով, այսինքն, արժանահավատ չէ: Իսկ մնացյալ ապացույցների համակցությունը բավարար չէ հիմնավոր եզրափակիչ դատավարական ակտ կայացնելու համար:

7.1. Բողոքի հեղինակն անդրադարձել է նաև մեղադրյալ Վ.Մանուկյանի նկատմամբ նշանակված պատժին և այն կրելու նպատակահարմարությանը՝ գտնելով, որ նշանակված պատժը համաչափ չէ վերագրված արարքին՝ խիստ լինելու պատճառով, իսկ այն կրելու մասով դատական ակտերը պատճառաբանված չեն: Այս համատեքստում բողոքաբերն ընդգծել է մեղադրյալի խնամքի տակ հինգ անչափահաս երեխաների առկայությունը:

7.2. Բացի այդ, բողոք բերած անձը նշել է, որ Վ.Մանուկյանին մեղսագրված արարքի՝ որպես միջին ծանրության հանցանքի համար ՀՀ նախկին քրեական օրենսգրքի 75-րդ հոդվածի 1-ին մասի 2-րդ կետով նախատեսված քրեական պատասխանատվության ենթարկելու հնգամյա ժամկետի ընթացքն ընդհատված կամ կասեցված չէ և այն լրանալու օրվա՝ 2024 թվականի փետրվարի 21-ի դրությամբ, վերջինիս նկատմամբ առկա չի եղել օրինական ուժի մեջ մտած մեղադրական դատավճիռ, ուստի նրա նկատմամբ քրեական հետապնդումը պետք է դադարեցնել՝ քրեական պատասխանատվության ենթարկելու վաղեմության ժամկետն անցած լինելու պատճառաբանությամբ:

8. Վերոշարադրյալի հիման վրա, բողոք բերած անձը խնդրել է բեկանել Վերաքննիչ դատարանի՝ 2024 թվականի հունվարի 11-ի որոշումը և ճանաչել ու հոչակել Վ.Մանուկյանի անմեղությունը՝ ՀՀ նախկին քրեական օրենսգրքի 38-177-րդ հոդվածի 2-րդ մասի 1-ին և 3-րդ կետերով առաջադրված մեղադրանքում կամ քրեական պատասխանատվության ենթարկելու վաղեմության ժամկետն անցնելու հիմքով մեղադրյալի նկատմամբ քրեական հետապնդումը դադարեցնել:

Մեղադրյալ Ա.Այվազյանի վճռաքնել բողոքի հիմքերը, փաստարկները և պահանջը.

9. Բողոքի հեղինակի պնդմամբ՝ Վերաքննիչ դատարանն առերևույթ թույլ է տվել լուրջ դատական սխալ, և լուրջ փաստական հանգամանք ի հայտ գալու ուժով կայացված դատական ակտը խաթարում է արդարադատության բուն էությունը:

Բողոքի հեղինակը նախ փաստարկել է, որ մեղադրական դատական ակտը հիմնված է ապացույցների կամայական գնահատմամբ ձևավորված ենթադրության վրա՝ ներկայացնելով սույն որոշման 5-րդ կետում շարադրված փաստարկները:

9.1. Բողոքի հեղինակն անդրադարձել է նաև իր նկատմամբ նշանակված պատժին և այն կրելու նպատակահարմարությանը՝ գտնելով, որ նշանակված պատիժը համաչափ չէ վերագրված արարքին՝ խիստ լինելու պատճառով, իսկ այն կրելու մասով դատական ակտերը պատճառաբանված չեն:

9.2. Բացի այդ, բողոք բերած անձը նշել է, որ իրեն մեղսագրված արարքների՝ որպես միջին ծանրության հանցանքների համար ՀՀ նախկին քրեական օրենսգրքի 75-րդ հոդվածի 1-ին մասի 2-րդ կետով նախատեսված քրեական պատասխանատվության ենթարկելու հնգամյա ժամկետի ընթացքն ընդհատված կամ կասեցված չէ և այն լրանալու օրվա՝ 2024 թվականի մարտի 21-ի դրությամբ, առկա չի եղել օրինական ուժի մեջ մտած մեղադրական դատավճիռ, ուստի իր նկատմամբ քրեական հետապնդումը պետք է դադարեցնել՝ քրեական պատասխանատվության ենթարկելու վաղեմության ժամկետն անցած լինելու պատճառաբանությամբ:

10. Վերոշարադրյալի հիման վրա, բողոք բերած անձ Ա.Այվազյանը խնդրել է բեկանել Վերաքննիչ դատարանի՝ 2024 թվականի հունվարի 11-ի որոշումը և ճանաչել ու հռչակել իր անմեղությունը՝ ՀՀ նախկին քրեական օրենսգրքի 177-րդ հոդվածի 2-րդ մասի 1-ին և 3-րդ կետերով ու 177-րդ հոդվածի 2-րդ մասի 3-րդ կետով առաջադրված մեղադրանքում կամ քրեական պատասխանատվության ենթարկելու վաղեմության ժամկետն անցնելու հիմքով իր նկատմամբ քրեական հետապնդումը դադարեցնել:

Վճռարեկ բողոքների քննության համար էական նշանակություն ունեցող փաստական հանգամանքները.

11. Անուշավան Հակոբյանին ՀՀ նախկին քրեական օրենսգրքի 177-րդ հոդվածի 2-րդ մասի 1-ին և 3-րդ կետերով մեղադրանք է առաջադրվել այն արարքի համար, որ նա. «(...) Ա.Այվազյանի հետ նախնական համաձայնությամբ սայօրինի պահեստարան հանդիսացող շինություն մուրք գործելով, կարարել է զգալի չափերով գույքի գաղտնի հափշտակություն:

Այսպես.

Ա.Հակոբյանն իր փեասյի՝ Վ.Մանուկյանի եղբոր՝ Ա.Այվազյանի հետ, նախնական համաձայնությամբ, դերաբաշխում կատարելով, Արագածոտնի մարզի Ծաղկահովիտ գյուղում գրնվող «*****» ՄՊԸ-ի սպասարկման գրասենյակից գողության եղանակով գույք հափշտակելու դիտարկությամբ 2019 թվականի փետրվարի 21-ի գիշերը՝ ժ. 03:30-ի սահմաններում, *****՝ Վ.Մանուկյանի վարած «Հունդայի» մակնիշի ավտոմեքենայով, վերջինիս օժանդակությամբ, Ապարան քաղաքից գնացել են Ծաղկահովիտ գյուղի խաչմերուկ, այնուհետև հանցավոր նպատակն իրագործելու նպատակով ճանապարհը դեպի բնակավայր շարունակել ուղքով, իսկ Վ.Մանուկյանը, վերջիններիս դեպքի վայր տանելու և հանցագործության ավարտից հետո դեպքի վայրից տեղափոխելու միջոցով օժանդակելով, սպասել է ավտոմեքենայում՝ մինչև հանցակիցների վերադառնալը: Հասնելով Ծաղկահովիտ գյուղում գրնվող «*****» ՄՊԸ-ի սպասարկման գրասենյակի մոտ՝ Ա.Այվազյանը ձեռքին եղած մեքաղի կտորի գործադրմամբ բացել է սպասարկման գրասենյակի մուտքի դուռը և Ա.Հակոբյանի հետ միասին սպորինի մուտք գործել ներս՝ «*****» ՄՊԸ-ի սպասարկման գրասենյակ, որտեղից գողացել են զգալի չափի 462.500 ՀՀ դրամ ընդհանուր արժեքի Սամսունգ Գալաքսի սպրանքանիշի թվով 5 բջջային հեռախոսներ, այնուհետև դեպքի վայրից հեռանալով՝ ուղքով հասել են գյուղի խաչմերուկում կայանված, Վ.Մանուկյանի վարած ավտոմեքենայի մոտ և հեռացել նրա հետ (...):»¹:

11.1. Վոլոդյա Մանուկյանին ՀՀ նախկին քրեական օրենսգրքի 38-177-րդ հոդվածի 2-րդ մասի 1-ին և 3-րդ կետերով մեղադրանք է առաջադրվել այն արարքի համար, որ նա. «(...) [Բ]եպքի վայր տանելու և գողությունից հետո դեպքի վայրից տեղափոխելու միջոցով օժանդակել է հանցակիցներ Ա.Այվազյանին և Ա.Հակոբյանին, որոնք նախնական համաձայնությամբ սպորինի պահեստարան հանդիսացող շինություն մուտք գործելով, կատարել են զգալի չափերով գույքի գաղտնի հափշտակություն:

Այսպես.

Վ.Մանուկյանն, *****՝ Ա.Հակոբյանի և ***** Ա.Այվազյանի հետ, նախնական համաձայնությամբ, դերաբաշխում կատարելով, Արագածոտնի մարզի

¹ Տե՛ս քրեական գործ, հատոր 2-րդ, թերթեր 305-320:

Ծաղկահովիտ գյուղում գրավող, պահեստարան հանդիսացող «*****» ՍՊԸ-ի սպասարկման գրասենյակից գողության եղանակով գույք հափշտակելու դիրավորությամբ 2019 թվականի փետրվարի 21-ի գիշերը՝ ժ. 03:30-ի սահմաններում, իր վարած «Հունդայի» մակնիշի ավտոմեքենայով, Ապարան քաղաքից գնացել են Ծաղկահովիտ գյուղի խաչմերուկ, որից հետո Ա.Հակոբյանը և Ա.Այվազյանը հանցավոր նպատակն իրագործելու նպատակով ճանապարհը դեպի բնակավայր շարունակել ուղքով, իսկ Վ.Մանուկյանը, վերջիններիս դեպքի վայր տանելու և հանցագործության ավարտից հետո դեպքի վայրից տեղափոխելու միջոցով օժանդակելով, սպասել է ավտոմեքենայում՝ մինչ հանցակիցների վերադառնալը: Հասնելով Ծաղկահովիտ գյուղում գրավող պահեստարան հանդիսացող «*****» ՍՊԸ-ի սպասարկման գրասենյակի մոտ՝ Ա.Այվազյանը ձեռքին եղած մետաղի կտորի գործադրմամբ բացել է սպասարկման գրասենյակի մուտքի դուռը և Ա.Հակոբյանի հետ միասին մուտք գործել ներս՝ «*****» ՍՊԸ-ի սպասարկման գրասենյակ, որտեղից գողացել են 462.500 ՀՀ դրամ ընդհանուր արժեքի Սամսունգ Գալաքսի սպրանքանիշի թվով 5 բջջային հեռախոսներ, այնուհետև դեպքի վայրից հեռանալով՝ ուղքով հասել են գյուղի խաչմերուկում կայանված, Վ.Մանուկյանի վարած ավտոմեքենայի մոտ և հեռացել նրա հետ (...):»²:

11.2. Արտակ Այվազյանին ՀՀ նախկին քրեական օրենսգրքի 177-րդ հոդվածի 2-րդ մասի 2-րդ, 3-րդ կետերով և 177-րդ հոդվածի 2-րդ մասի 3-րդ կետով մեղադրանք է առաջադրվել այն արարքների համար, որ նա. «(...) Ա.Հակոբյանի հետ, ինչպես նախնական համաձայնությամբ, այնպես էլ միայնակ, սպորինի պահեստարան հանդիսացող շինություն մուտք գործելով, կատարել է 2 դրվագ զգալի չափերով գույքի գաղտնի հափշտակություն:

Այսպես.

Ա.Այվազյանն իր *****՝ Վ.Մանուկյանի, ***** ***** Ա.Հակոբյանի հետ, նախնական համաձայնությամբ, դերաբաշխում կատարելով, Արագածուրնի մարզի Ծաղկահովիտ գյուղում գրավող «*****» ՍՊԸ-ի սպասարկման գրասենյակից գողության եղանակով գույք հափշտակելու դիրավորությամբ 2019 թվականի փետրվարի 21-ի գիշերը՝ ժամը 03:30-ի սահմաններում, *****՝ Վ.Մանուկյանի վարած «Հունդայի» մակնիշի ավտոմեքենայով վերջինիս օժանդակությամբ, Ապարան

² Տե՛ս քրեական գործ, հատոր 2-րդ, թերթեր 305-320:

քաղաքից գնացել են Ծաղկահովիտ գյուղի խաչմերուկ, այնուհետև հանցավոր նպատակն իրագործելու նպատակով ճանապարհը դեպի քնակավայր շարունակել ուղքով, իսկ Վ.Մանուկյանը, վերջիններիս դեպքի վայր տանելու և հանցագործության ավարտից հետո դեպքի վայրից տեղափոխելու միջոցով օժանդակելով, սպասել է ավտոմեքենայում՝ մինչ հանցակիցների վերադառնալը: Հասնելով Ծաղկահովիտ գյուղում գրնվող «*****» ՄՊԸ-ի սպասարկման գրասենյակի մոտ՝ Ա.Այվազյանը ձեռքին եղած մեքաղի կրորի գործադրմամբ բացել է սպասարկման գրասենյակի մուտքի դուռը և Ա.Հակոբյանի հետ միասին մուտք գործել ներս՝ «*****» ՄՊԸ-ի սպասարկման գրասենյակ, որտեղից գողացել են 462.500 ՀՀ դրամ ընդհանուր արժեքի Սամսունգ Գալաքսի սպրանքանիշի թվով 5 բջջային հեռախոսներ, այնուհետև դեպքի վայրից հեռանալով՝ ուղքով հասել են գյուղի խաչմերուկում կայանված, Վ.Մանուկյանի վարած ավտոմեքենայի մոտ և հեռացել նրա հետ:

Դրանից հետո, Ա.Այվազյանն Արագածոտնի մարզի Ծաղկահովիտ գյուղում գրնվող «*****» ՄՊԸ-ի սպասարկման գրասենյակից գողության եղանակով գույք հափշտակելու դիտարկությամբ, 2019 թվականի մարտի 21-ին՝ ժամը 03:05-ի սահմաններում, հանցագործության գործիք հանդիսացող խառնուրդի գործադրմամբ դուռը բացելու միջոցով, դարձյալ սպորինի մուտք է գործել Արագածոտնի մարզի Ծաղկահովիտ գյուղում գրնվող պահեստարան հանդիսացող «*****» ՄՊԸ-ի սպասարկման գրասենյակ և այնտեղից գողացել զգալի չափի՝ 207.000 ՀՀ դրամ ընդհանուր արժեքի Ալկատել և Ֆլայ սպրանքանիշերի 1-ական և 2 հատ Մեյզու սպրանքանիշի բջջային հեռախոսներ (...)³:

12. Առաջին ատյանի դատարանն իր դատական ակտը պատճառաբանել է հետևյալ կերպ. «(...) [Գ]նահատելով սույն քրեական գործով հետազոտված ապացույցները, ղեկավարվելով անմեղության կանխավարկածով, հիմնվելով պարզաճ իրավական ընթացակարգի շրջանակներում դատական քննության ընթացքում գործի հանգամանքների հետազոտման արդյունքների և դատաքննության ժամանակ հետազոտված հավասարի ապացույցների հիման վրա, ամբաստանյալների մեղավորության մասին չփարսարված բոլոր կասկածները նրանց օգրին մեկնաբանելով, պահպանելով ՀՀ քրեական դատավարության

³ Տե՛ս քրեական գործ, հատոր 2-րդ, թերթեր 305-320:

օրենսգրքի 18-րդ, 25-րդ, 127-րդ, 365-րդ հոդվածների պահանջները, [Առաջին արյանի] դաբարանն ապացուցված է համարում Ա.Հակոբյանին (...) Վ.Մանուկյանին (...) Արտակ Այվազյանին (...) առաջադրված մեղադրանքները:

[Առաջին արյանի դ]աբարանն անդրադառնալով Ա.Հակոբյանի, Վ.Մանուկյանի, Ա.Այվազյանի պարճառաբանություններին այն մասին, որ 2019 թվականի փետրվարի 21-ի գիշերը՝ ժամը 03:30-ի սահմաններում Արագածոտնի մարզի Ծաղկահովիտ գյուղում գրնվող «*****» ՍՊԸ-ի սպասարկման գրասենյակից 462.500 ՀՀ դրամ ընդհանուր արժեքի Սամսունգ Գալաքսի սպրանքանիշի թվով 5 բջջային հեռախոսներ չեն գողացել, իսկ գողությունն իրենց կողմից կատարած լինելու մասին Ա.Հակոբյանը գործի նախաքննության ընթացքում ցուցմունքներ է փոխել ոստիկանության աշխատակիցների կողմից նրա նկատմամբ գործադրված բռնության արդյունքում և նրանց ուղղորդմամբ, Ա.Այվազյանի պարճառաբանությանը, այն մասին, որ 2019 թվականի մարտի 21-ին՝ ժամը 03:05-ի սահմաններում, Արագածոտնի մարզի Ծաղկահովիտ գյուղում գրնվող «*****» ՍՊԸ-ի սպասարկման գրասենյակից 207.000 ՀՀ դրամ ընդհանուր արժեքի Ալկատել և Ֆլայ սպրանքանիշերի 1-ական և 2 հար Մեյզու սպրանքանիշի բջջային հեռախոսներ չի գողացել, արձանագրում է, որ նրանց պարճառաբանություններն արժանահավասար չեն, հերասպնդում են քրեական պարասխանարվությունից և պարճից խուսափելու նպատակ և հերքվում են գործով ձեռք բերված ապացույցների բավարար համակցությամբ:

Այսպես՝ հերազրոյված ապացույցներով, մասնավորապես հեռախոսների վերճանումների՝ ալեհավաքների սպասարկման վայրերի փոխալներով հերքվում են ամբաստանյալների պարճառաբանություններն այն մասին, որ 2019 թվականի փետրվարի 21-ի գիշերը՝ ժամը 03:30-ի սահմաններում Ծաղկահովիտ գյուղի ուղղությամբ չեն գնացել և գրնվել են՝ Ապարան քաղաքում՝ փանը, կամ էլ՝ Գյումրի քաղաքից վերադառնալիս են եղել:

[Առաջին արյանի դ]աբարանն արճանահավասար է համարում Ա.Հակոբյանի կողմից նախաքննության ընթացքում 26.04.2019թ., 03.05.2019թ., 01.06.2019թ., այդ թվում՝ 06.05.2019թ. կասկաճյալ Վ.Մանուկյանի հեր առերես հարցաքննության ճամնակ փոխճ ցուցմունքներն այն մասին, որ 2019 թվականի փետրվարի 21-ի գիշերը ճամը 00:30-ի սահմաններում Ա.Այվազյանի և Վ.Մանուկյանի հեր

Ծաղկահովիտ գյուղի «*****» ՍՊԸ-ի գրասենյակից գողություն կատարելու նպատակով դուրս են եկել Ապարան քաղաքից, շարժվել Ծաղկահովիտ գյուղի կողմ և մինչև գողություն կատարելը որոշակի ժամանակահատված շրջել փարածքում: Ըստ վերձանումների՝ ԱՀակոբյանի կողմից օգտագործված ***-***-** հեռախոսահամարը փետրվարի 20-ին ժ. 15:53-ին սպասարկվել է Երևան քաղաքում, ժամը 19:55-ից մինչև փետրվարի 21-ը ժամը 00:36-ը՝ Ապարան քաղաքում, ժամը 01:35-ին՝ Ծաղկահովիտ գյուղի հարևանությամբ գտնվող Գեղադիր գյուղի ալեհավաքի կողմից, ժամը 09.04-ից սպասարկվել է Երևան քաղաքում և նշված փյուփյուները համապատասխանում են ԱՀակոբյանի կողմից ցուցմունքներում նկարագրված գործողություններին:

ԱՀակոբյանի կողմից նույն ցուցմունքներում ներկայացված պարճառարանությունն այն մասին, որ նշված դեպքից հետո մի քանի օր անց, Ա.Այվազյանի հետ միասին գնացել են Երևան քաղաքի Գարեգին Նժդեհի հրապարակ՝ գողացված հեռախոսներից 2-ը վաճառելու համար, որոնցից մեկը եղել է «Սամսունգ Գալաքսի Ջ» մոդելի, Արտակը մտել է գեղնանցում, շուրջ 5-10 րոպե անց վերադարձել և հայտնել է, որ հեռախոսները վաճառել է, համապատասխանում է վկա Վ.Մ-ի ցուցմունքին այն մասին, որ իր կողմից օգտագործվող «Սամսունգ Գալաքսի Ջ 6» մոդելի հեռախոսը գնել է 2019 թվականի փետրվարի վերջերին Երևան քաղաքի Գարեգին Նժդեհի գեղնանցումում՝ հեռախոս վաճառող անձանոթ մի փրայից, 60.000 ՀՀ դրամով և հեռախոսը եղել է բաց փուփու, հեռախոսի մեջ փրայերել է իր ***-**-***-** հեռախոսահամարը: «*****» ՍՊ ընկերությունից սրացված վերձանումների համաձայն Վ.Մետրոպոլիտանի անվանը հաշվառված ***** բջջային հեռախոսահամարն օգտագործվել է «Սամսունգ Գալաքսի Ջեյ6» սպրանքանիշի ***** գործարանային համարի բջջային հեռախոսում, որը ըստ գործի փյուփյուների գողացված է եղել 21.02.2019թ. Արագածոտնի մարզի Ծաղկահովիտ գյուղի «*****» ՍՊԸ-ի սպասարկման և վաճառքի սրահից:

Ա.Այվազյանի պարճառարանությունն այն մասին, որ 2019 թվականի մարտի 21-ին՝ ժամը 03:05-ի սահմաններում Արագածոտնի մարզի Ծաղկահովիտ գյուղում գտնվող «*****» ՍՊԸ-ի սպասարկման գրասենյակից բջջային հեռախոսներ չի գողացել հերքվում է՝ դեպքի վայրի՝ Արագածոտնի մարզի Ծաղկահովիտ գյուղի

***** * . *** հասցեի շինությունում գործող «*****» ՍՊԸ-ի սպասարկման և վաճառքի սրահի զննության արձանագրությամբ, համաձայն որի դեպքի վայրի զննության ժամանակ հայրնաբերվել է խարտոցանման առարկա, այն ճանաչման ներկայացնելու մասին արձանագրությամբ՝ համաձայն որի Ռ.Ս-ն իրեն ճանաչման ներկայացված 4 խարտոցներից ճանաչել է ձախից 2-րդ տեղում դրված /21.03.2019թ դեպքի վայրի՝ Ծաղկահովիտ գյուղի «*****» ՍՊԸ-ի սպասարկման և վաճառքի սրահի զննության ընթացքում հայրնաբերված/ խարտոցը և հայրարարել է, որ նշված խարտոցը եղել է իր որդու ավտոմեքենայի բեռնախցիկում, որը ժամանակավոր օգտագործման համար հանձնել է Ա.Այվազյանին, Ռ.Ս-ի նույնաբովանդակ ցուցմունքով, «***** *****» գրավարներից «Ալկարել» մոդելի հեռախոսը և գրավադրման փաստաթղթերն առգրավելու և զննելու մասին արձանագրություններով, համաձայն որոնց 23.03.2019թ. պայմանագրով «***** *****» ՍՊԸ-ն վարկառու Ա.Այվազյանին տրամադրել է 20.000 ՀՀ դրամ, որի դիմաց գրավարուն գրավառուին է հանձնել սև գույնի, օգտագործված բջջային հեռախոս՝ մակնիշը՝ «Ալկարել 3g», համարը՝ *****, «*****» ՍՊԸ-ի անվրանգության ծառայության ղեկավարի գրությամբ այն մասին, որ «Ալկարել 3g» սպրանքանիշի ***** գործարանային համարի հեռախոսը գողացված է եղել 21.03.2019թ-ին Արագածոտնի մարզի Ծաղկահովիտ գյուղի «*****» ՍՊԸ-ի սպասարկման և վաճառքի սրահից: Պարզվել է նաև, որ 2019թ մարտի 21-ին՝ ժամը 02:19-ին Ա.Այվազյանի կողմից օգտագործվող ***-***-*** հեռախոսահամարը սպասարկվել է Ծաղկահովիտ բնակավայրի ալեհավաքի միջոցով, իսկ ժամը 03:13-ին՝ Ալագյազ բնակավայրի ալեհավաքի միջոցով:

Ամբաստանյալների պատճառարանությունները հերքվում են նաև ՀՀ հարուկ քննչական ծառայության հարկապես կարևոր գործերի ավագ քննիչ Ժ.Թովմասյանի որոշմամբ այն մասին, որ Ա.Հակոբյանի հաղորդման հիման վրա ՀՀ ոստիկանության Արագածոտնի մարզային վարչության Արագածի բաժնում ոստիկանության աշխատակիցների կողմից գողությունը խուսրովանելու համար Ա.Հակոբյանի նկատմամբ բռնություն գործադրելու դեպքի առթիվ 2003 թվականի ապրիլի 18-ին ընդունված ՀՀ քրեական օրենսգրքի 309.1-րդ հոդվածի 2-րդ մասի 4-րդ կետով հարուցված թիվ 62219619 քրեական գործով ՀՀ ոստիկանության Արագածոտնի մարզային վարչության Արագածի բաժնի աշխատակիցներ Ա.Ս-ի և Ա.Պ-ի

նկարմամբ՝ ՀՀ քրեական օրենսգրքի 308-րդ հոդվածով և 309.1-րդ հոդվածի 2-րդ մասի 4-րդ կետով քրեական հետապնդում չի իրականացվել՝ հանցագործության դեպքի բացակայության հիմքով, իսկ ԱՀակոբյանի նկարմամբ՝ ՀՀ քրեական օրենսգրքի 333-րդ հոդվածի 1-ին մասով, քրեական հետապնդում չի իրականացվել՝ վերջինիս գործողությունում հանցակազմի բացակայության հիմքով և քրեական գործով վարույթը նույն հիմքերով կարճվել է:

(...) [Առաջին արյանի] դատարանը գրնում է, որ [ՀՀ գործող քրեական] օրենսգրքի 9-րդ հոդվածի համաձայն ԱՀակոբյանը, Վ.Մանուկյանը և Ա.Այվազյանը պետք է մեղավոր ճանաչվեն 2021թ. մայիսի 5-ին ընդունված ՀՀ քրեական օրենսգրքով նախատեսված համապատասխան հոդվածներով, մասնավորապես ԱՀակոբյանը՝ ՀՀ քրեական օրենսգրքի 254-րդ հոդվածի 2-րդ մասի 1-ին և 3-րդ կետերով, Վ.Մանուկյանը ՀՀ քրեական օրենսգրքի 46-254-րդ հոդվածի 2-րդ մասի 1-ին և 3-րդ կետերով, Ա.Այվազյանը՝ ՀՀ քրեական օրենսգրքի 254-րդ հոդվածի 2-րդ մասի 1-ին և 3-րդ կետերով, 254-րդ հոդվածի 2-րդ մասի 3-րդ կետով:

(...)

[Առաջին արյանի դատարանը որպես Վ.Մանուկյանի անձը բնութագրող, պատասխանատվությունն ու պարիժը մեղմացնող հանգամանքներ հաշվի է առնում այն, որ նա ** փարեկան է, ամուսնացած է, խնամքին են գրնվում հինգ անչափահաս երեխաներ, ծնված՝ **. **. **.թ.-ին, **. **. **.թ., **. **. **.թ., **. **. **.թ. և **. **. **.թ.-ին:

Ամբաստանյալ Վ.Մանուկյանի պատասխանատվությունը և պարիժը ծանրացնող հանգամանքներ առկա չէ, արարքը կատարելու պահին դատվածություն չի ունեցել:

(...)

[Առաջին արյանի դատարանը, հաշվի առնելով (...) Վ.Մանուկյանի (...) կողմից կատարված արարք[ի] հանրության համար վրանգավորության աստիճանը և բնույթը, հանցագործության եղանակը, շարժառիթը և նպատակը, (...) անձը բնութագրող, պատասխանատվությունն ու պարիժը մեղմացնող հանգամանքների առկայությունը, (...), ինչպես նաև նշանակվող պարժի՝ հանցավորի վերասոցիալականացման և իրավահպարակ վարքագծի ձևավորման գործընթացի ու ընդհանրիկ կենսապայմանների վրա ազդեցությունը, առողջության վիճակը, անձի

այլ առանձնահատկություններն ու նրանց վրա այլ անձանց ազդեցությունը, գրնում է, որ (...) Վոլոդյա Մանուկյանը (...) կատարած հանցագործության համար ենթակա է) պարժի ազատազրկման ձևով:

Վերոգրյալ հանգամանքների հաշվառմամբ՝ [Առաջին արյանի դատարանը գրնում է, որ ամբաստանյալ] (...) Վոլոդյա Մանուկյանի (...) նկատմամբ ազատազրկման ձևով պարիժ նշանակելը բխում է ՀՀ քրեական օրենսգրքի 7-րդ, 69-րդ հոդվածներով սահմանված՝ արդարության և պարասխանարվության անհատականացման, պարիժ նշանակելու ընդհանուր սկզբունքներից և բավարար է ՀՀ քրեական օրենսգրքի 55-րդ հոդվածով սահմանված պարժի նպատակների իրականացման տեսանկյունից:

(...)

[Առաջին արյանի դատարանը գրնում է, որ ամբաստանյալ Վ.Մանուկյանի նկատմամբ ՀՀ քրեական օրենսգրքի 46-254-րդ հոդվածի 2-րդ մասի 1-ին և 3-րդ կետերով պետք է նշանակել պարիժ՝ ազատազրկում 2 (երկու) տարի ժամկետով:

(...) ՀՀ նախկին քրեական օրենսգրքի 66-րդ հոդվածի 6-րդ մասով և ՀՀ գործող քրեական օրենսգրքի 68-րդ հոդվածով սահմանված կարգով սույն դատավճռով նշանակված պարժին պետք է լրիվ գումարել ՀՀ Երևան քաղաքի առաջին արյանի ընդհանուր իրավասության քրեական դատարանի 27.06.2023թ. դատավճռով նշանակված 15 օր ժամկետով կարճաժամկետ ազատազրկում պարիժը և 500.000 (հինգ հարյուր հազար) ՀՀ դրամ փուզանքը և Վ.Մանուկյանի նկատմամբ վերջնական պարիժ նշանակել՝ փուզանք 500.000 (հինգ հարյուր հազար) ՀՀ դրամի չափով և ազատազրկում 2 տարի 15 օր ժամկետով, որը վերջինս պետք է կրի: (...)»⁴:

13. Վերաքննիչ դատարանը, անփոփոխ թողնելով վիճարկվող դատական ակտը, արձանագրել է հետևյալը. «(...) Ա.Հակոբյանի, Վ.Մանուկյանի և Ա.Այվազյանի մեղավորությունն Առաջին արյանի դատարանը հաստատված է համարել դատաքննությանը հետազոտված թույլատրելի, հավասարի և քրեական գործին վերաբերող փոխկապակցված ապացույցների այնպիսի համակցությամբ, որը բավարար է հաղթահարելու ամբաստանյալներ Ա.Հակոբյանի, Վ.Մանուկյանի և Ա.Այվազյանի անմեղության կանխավարկածը և բացառելու վերջիններիս կողմից իրենց մեղսագրված հանցանքները չկատարելու ողջամիտ հավանականությունը:

⁴ Տե՛ս քրեական գործ, հատոր 6-րդ, թերթեր 99-111:

Անդրադատնալով ամբաստանյալ Ա.Հակոբյանի նախաքննական ցուցմունքների արժանահավասար չլինելու վերաբերյալ պաշտպանների փաստարկներին՝ Վերաքննիչ դատարանն արձանագրում է, որ Ա.Հակոբյանի նախաքննության և դատաքննության ընթացքում րրված ցուցմունքներն Առաջին ստրյանի դատարանը պարզաճ կերպով գնահատել և վերլուծել է քրեական գործով ձեռք բերված մյուս ապացույցների համակցության մեջ ու ըստ այդմ՝ եկել է իրավաչափ եզրահանգման վերջինիս կողմից նախաքննության ընթացքում հայրնած րվյալների արժանահավասարության վերաբերյալ: Այսպես, Վերաքննիչ դատարանը փաստում է, որ նախաքննությամբ Ա.Հակոբյանի՝ հանցագործության կատարման վերաբերյալ հայրնած րվյալները, ի թիվս այլնի, հաստատվել են ամբաստանյալների հեռախոսազանգերի վերծանումների զննության արձանագրություններով, վկաներ Հ.Հ-ի, Վ.Մ-ի և Ռ.Ս-ի ցուցմունքներում նկարագրված հանգամանքներով: Ինչ վերաբերում է պաշտպանական կողմի այն պնդումներին, որ Ա.Հակոբյանի նախաքննության ընթացքում հայրնած րվյալները սրացվել են կորզման արդյունքում, ինչի վերաբերյալ ներկայացվել է հանցագործության մասին հաղորդում, ապա Վերաքննիչ դատարանը փաստում է, որ նշված հաղորդման կապակցությամբ հարուցված քրեական գործի շրջանակներում նախաքննական մարմնի որոշմամբ ուսիկանության համապատասխան աշխատակիցների նկատմամբ քրեական հետապնդում չի իրականացվել՝ հանցագործության դեպքի բացակայության հիքմով, ընդ որում՝ նախաքննական մարմնի հիշյալ որոշումը բողոքարկելու վերաբերյալ րեղեկարվություն քրեական գործում առկա չէ: Եման պայմաններում, երբ առկա է համապատասխան անձանց նկատմամբ քրեական հետապնդում չիրականացնելու վերաբերյալ որոշում, այլ կերպ՝ Ա.Հակոբյանի նկատմամբ բռնություն կամ դրա սպառնալիք գործադրելու հանցադեպի բացակայությունը հաստատվել է նախաքննությունն իրականացնող մարմնի օրինական ուժի մեջ մրած որոշմամբ, Վերաքննիչ դատարանը եզրահանգում է, որ այս կապակցությամբ պաշտպանական կողմի փաստարկները ևս հիմնավոր չեն, ուսի դրանց հետ համաձայնելու իրավաչափ հիմքեր առկա չեն:

(...) Վերաքննիչ դատարանն արձանագրում է, որ սույն գործով ամբաստանյալների կատարած հանցանքի բնույթն ու հանրության համար

վրանգավորության աստիճանը, նրանցից յուրաքանչյուրի անձնային առանձնահատկությունների վերաբերյալ արձանագրված հանգամանքները թույլ են տալիս գալու եզրահանգման, որ Առաջին արյանի դարարանն ամբաստանյալներ Ա.Հակոբյանի, Վ.Մանուկյանի և Ա.Այվազյանի նկատմամբ նշանակել է համաչափ ու արդարացի պատիժ, որը բխում է ՀՀ քրեական օրենսգրքի 10-րդ հոդվածով սահմանված արդարության և պարասիսանարվության անհատականացման սկզբունքից: Նշանակված ազատազրկման ձևով պատիժը համապարասիսանում է ամբաստանյալներից յուրաքանչյուրի անձին, նրանց կարարած հանցագործության բնույթին, վրանգավորության աստիճանին, և անհրաժեշտ ու բավարար է ՀՀ քրեական օրենսգրքի (2003 թվականի ապրիլի 18-ի) 48-րդ հոդվածով նախատեսված՝ պարժի նպատակների իրացվելիությանը հասնելու համար: (...)⁵:

14. Օրինական ուժ ստացած Լոռու մարզի առաջին ատյանի ընդհանուր իրավասության դատարանի՝ 2025 թվականի փետրվարի 13-ի դատավճռով Վ.Մանուկյանը մեղավոր է ճանաչվել ՀՀ գործող քրեական օրենսգրքի 255-րդ հոդվածի 2-րդ մասի 3-րդ կետով՝ այն արարքի համար, որ 2022 թվականի դեկտեմբերի 30-ին, խարդախությամբ հափշտակել է խոշոր չափերով գույք⁶:

Վճռաբեկ դատարանի հիմնավորումները և եզրահանգումը.

15. ՀՀ քրեական դատավարության օրենսգրքի անցումային դրույթները կարգավորող՝ 483-րդ հոդվածի 8-րդ մասի համաձայն՝ «Մինչև սույն օրենսգիրքն ուժի մեջ մտնելը կայացված դատական ակտերով վերաքննիչ և վճռաբեկ բողոքները բերվում և քննվում են մինչև 2022 թվականի հուլիսի 1-ը գործող կարգով»:

Վերոգրյալից հետևում է, որ 2022 թվականի հուլիսի 1-ից հետո կայացված դատական ակտերի դեմ վճռաբեկ բողոքները բերվում և քննվում են 2022 թվականի հուլիսի 1-ից գործող քրեական դատավարության օրենսգրքով սահմանված կարգով: Հետևաբար, սույն բողոքի քննությունն իրականացնելիս, որպես Վճռաբեկ դատարանում բողոքի քննության ընթացակարգ, հիմք է ընդունվում 2022 թվականի հուլիսի 1-ից գործող կարգը: Մինևսույն ժամանակ, Վճռաբեկ դատարանը փաստում է,

⁵ Տե՛ս քրեական գործ, հատոր 8, թերթեր 72-86:

⁶ Տե՛ս www.datalex.am դատական տեղեկատվական համակարգ, թիվ ԼԴ4/0015/01/23 քրեական գործը և ՀՀ ներքին գործերի նախարարության ոստիկանության ինֆորմացիոն կենտրոնի օպերատիվ տեղեկատու քարտադարանում առկա տեղեկատվությունը, հատոր 10, թերթեր 92-98:

որ Առաջին ատյանի դատարանը մեղադրյալներ Ա.Հակոբյանի, Վ.Մանուկյանի և Ա.Այվազյանի վերաբերյալ քրեական գործը քննության է առել, իսկ Վերաքննիչ դատարանն Առաջին ատյանի դատարանի դատական ակտի իրավաչափությունը գնահատել է 1998 թվականի հուլիսի 1-ին ընդունված ՀՀ քրեական դատավարության օրենսգրքի իրավակարգավորումների շրջանակներում, ուստի ստորադաս դատարանների հետևությունների իրավաչափության գնահատման համար Վճռաբեկ դատարանը հիմք է ընդունում 1998 թվականի հուլիսի 1-ին ընդունված ՀՀ քրեական դատավարության օրենսգրքի իրավակարգավորումները:

16. Սույն վարույթով Վճռաբեկ դատարանի առջև բարձրացված *սուաջին* իրավական հարցը հետևյալն է. հիմնավորված են արդյո՞ք առաջադրված մեղադրանքներում մեղադրյալներ Ա.Հակոբյանի, Վ.Մանուկյանի և Ա.Այվազյանի մեղավորության վերաբերյալ ստորադաս դատարանների հետևությունները:

16.1. Բողոքների հիմքերի և հիմնավորումների սահմաններում ստուգման ենթարկելով քրեական գործի փաստական հանգամանքների բացահայտման ու քրեական օրենքի կիրառման ճշտությունը, գործը քննելիս և լուծելիս քրեադատավարական օրենքի պահանջների պահպանումը, ինչպես նաև ուսումնասիրության ու գնահատման ենթարկելով քրեական գործում առկա նյութերը՝ Վճռաբեկ դատարանը հանգում է հետևության, որ ստորադաս դատարաններն առաջադրված մեղադրանքներում Ա.Հակոբյանի, Վ.Մանուկյանի և Ա.Այվազյանի մեղավորության վերաբերյալ հանգել են ճիշտ հետևության:

Մասնավորապես, Վճռաբեկ դատարանն արձանագրում է, որ առաջադրված մեղադրանքներում Ա.Հակոբյանի, Վ.Մանուկյանի և Ա.Այվազյանի մեղքը հաստատվում է, իսկ բողոքաբերների փաստարկները հերքվում են գործով ձեռք բերված և ստորադաս դատարանների դատական ակտերում պատշաճ վերլուծված ապացույցների բավարար համակցությամբ, այն է՝ Ա.Հ-ի նախաքննության ընթացքում տված խոստովանական ցուցմունքով⁷, վկաներ Վ.Մ-ի⁸, Ռ.Ս-ի⁹, Հ.Հ-ի¹⁰

⁷ Տե՛ս քրեական գործ, հատոր 1-ին, թերթեր 96-102, 160-164, հատոր 2-րդ, թերթեր 42-46, 53-58, 59-65, 83-85, 113-116, 187-188:

⁸ Տե՛ս քրեական գործ, դատական նիստի արձանագրություն, թերթեր 93-97:

⁹ Տե՛ս քրեական գործ, դատական նիստի արձանագրություն, թերթեր 93-97:

¹⁰ Տե՛ս քրեական գործ, դատական նիստի արձանագրություն, թերթեր 229-233:

ցուցմունքներով, դեպքի վայրի¹¹ և առարկայի¹² գննության, առգրավում կատարելու և առգրավված առարկաները զննելու¹³, առարկան ճանաչման ներկայացնելու¹⁴, հեռախոսահամարների մուտքային ու ելքային հեռախոսագանգերի վերծանումները զննելու¹⁵ մասին արձանագրություններով, «*****» սահմանափակ պատասխանատվությամբ ընկերության գրություններով¹⁶ և իրեղեն ու որպես այլ փաստաթուղթ ապացույց ճանաչված փաստաթղթերով¹⁷:

Անդրադառնալով սույն որոշման 5-րդ կետում շարադրված վճարեկ բողոքների համընկնող փաստարկին՝ Վճարեկ դատարանը հարկ է համարում նկատել, որ ցուցմունքներում էական հակասության առկայությամբ պայմանավորված դատաքննության ընթացքում հրապարակվել են մինչդատական վարույթում Ա.Հակոբյանի՝ տարբեր դատավարական կարգավիճակներում տված ցուցմունքները, համաձայն որոնց՝ Ա.Հակոբյանի՝ որպես վկայի լրացուցիչ հարցաքննությունը դադարեցվել է և այն շարունակվել է վերջինի կասկածյալի դատավարական կարգավիճակով, որի ընթացքում, հետագայում նաև մեղադրյալի դատավարական կարգավիճակում, այդ թվում՝ Վ.Մանուկյանի հետ առերեսվելիս, Ա.Հակոբյանը պնդել է նախորդ ցուցմունքով հաղորդած տվյալները՝ տալով նաև խոստովանական ցուցմունք: Ա.Հակոբյանի հաղորդած տվյալները հիմնավորվում են դատական քննության ընթացքում հետազոտված ապացույցների բավարար ամբողջությամբ, այդ թվում՝ հեռախոսահամարների մուտքային ու ելքային հեռախոսագանգերի վերծանումների արդյունքում ստացված, վկաներ Վ.Մ-ի, Ռ.Ս-ի և Հ.Հ-ի ցուցմունքներով հաղորդած տվյալներով: Ինչ վերաբերում է Ա.Հակոբյանից ցուցմունքը բռնությամբ և դրա սպառնալիքով ստացված լինելու պնդմանը, ապա այդ առումով ընդունելի է Վերաքննիչ դատարանի փաստարկն առ այն, որ այդ կապակցությամբ նախաձեռնած վարույթի ընթացքում համապատասխան անձանց նկատմամբ քրեական հետապնդում չի իրականացվել՝ հանցագործության դեպքի բացակայության հիմքով, և միաժամանակ այդ որոշումը բողոքարկված լինելու

¹¹ Տե՛ս քրեական գործ, հատոր 1-ին, թերթեր 7-15 և 112-125:

¹² Տե՛ս քրեական գործ, հատոր 1-ին, թերթ 209:

¹³ Տե՛ս քրեական գործ, հատոր 1-ին, թերթեր 187-190, 210, հատոր 2-րդ, թերթեր 35-36 և 76:

¹⁴ Տե՛ս քրեական գործ, հատոր 2-րդ, թերթեր 191-193:

¹⁵ Տե՛ս քրեական գործ, հատոր 2-րդ, թերթեր 4-21 և 22:

¹⁶ Տե՛ս քրեական գործ, հատոր 1-ին, թերթեր 47-48 և 151-152:

¹⁷ Տե՛ս քրեական գործ, հատոր 1-ին, թերթեր 234-239, հատոր 2-րդ, թերթեր 260-262 և 279-281:

վերաբերյալ տվյալներ վարույթի նյութերում առկա չեն, այսինքն, բռնություն կամ դրա սպառնալիք գործադրելու հանցադեպի բացակայությունը հաստատվել է օրինական ուժի մեջ մտած դատավարական ակտով:

Վերոգրյալի հաշվառմամբ, Վճռաբեկ դատարանն իր անհամաձայնությունն է արտահայտում բողոքաբերների համապատասխան փաստաթղթերին և արձանագրում է, որ առաջադրված մեղադրանքներում Ա.Հակոբյանի, Վ.Մանուկյանի և Ա.Այվազյանի մեղավորության վերաբերյալ ստորադաս դատարանների հետևությունները հիմնավորված են:

17. Սույն վարույթով Վճռաբեկ դատարանի առջև բարձրացված *երկրորդ* իրավական հարցը հետևյալն է. արդյո՞ք մեղադրյալներ Ա.Հակոբյանի, Վ.Մանուկյանի և Ա.Այվազյանի նկատմամբ քրեական հետապնդումը ենթակա է դադարեցման՝ քրեական պատասխանատվության ենթարկելու վաղեմության ժամկետն անցած լինելու հիմքով:

2021 թվականի հունիսի 30-ին ընդունված ՀՀ քրեական դատավարության օրենսգրքի (այսուհետ՝ նաև ՀՀ քրեական դատավարության օրենսգիրք) 12-րդ հոդվածի համաձայն՝ *«1. Քրեական հետապնդում չպետք է հարուցվի, իսկ հարուցված քրեական հետապնդումը ենթակա է դադարեցման, եթե՝*

(...)

12) անձը Հայաստանի Հանրապետության քրեական օրենսգրքի ընդհանուր կամ հարուկ մասի դրույթների ուժով ենթակա է ազատման քրեական պարասխանարվությունից. (...):»:

ՀՀ նախկին քրեական օրենսգրքի 19-րդ հոդվածի 3-րդ մասի համաձայն՝ *«Միջին ծանրության հանցագործություններ են համարվում դիտարկությանը կարարված այն արարքները, որոնց համար սույն օրենսգրքով նախատեսված առավելագույն պարիժը չի գերազանցում հինգ տարի ժամկետով ազատազրկումը, (...):»:*

Նույն օրենսգրքի 75-րդ հոդվածի համաձայն՝ *«1. Անձն ազատվում է քրեական պարասխանարվությունից, եթե հանցանքն ավարտված համարելու օրվանից անցել են հետևյալ ժամկետները.*

(...)

2) հինգ տարի՝ միջին ծանրության հանցանքն ավարտված համարելու օրվանից.

(...)

2. Վաղեմության ժամկետը հաշվարկվում է հանցանքն ավարտված համարելու օրվանից մինչև դարավճռի օրինական ուժի մեջ մտնելու պահը: (...):

3. Վաղեմության ժամկետի ընթացքն ընդհատվում է, եթե մինչև նշված ժամկետներն անցնելն անձը կարարում է միջին ծանրության, ծանր կամ առանձնապես ծանր նոր հանցանք: Այս դեպքում վաղեմության ժամկետի հաշվարկն սկսվում է նոր հանցանքի ավարտված համարելու պահից: (...):»:

ՀՀ նախկին քրեական օրենսգրքի 177-րդ հոդվածի 2-րդ մասի համաձայն՝
«Գողությունը, որը կարարվել է՝

1) մի խումբ անձանց կողմից նահանական համաձայնությամբ,

(...)

3) պահեստարան կամ շինություն ապօրինի մուտք գործելով

(...)

պարժվում է տուգանքով նվազագույն աշխատավարձի հինգհարյուրապարիկից հազարապարիկի չափով, կամ ազատազրկմամբ՝ երկուսից հինգ տարի ժամկետով: (...):»:

18. Մեջբերված նորմերի վերլուծությունից հետևում է, որ օրենսդիրը վաղեմության ժամկետն անցնելը դիտում է որպես քրեական հետապնդումը բացառող հանգամանք՝ սահմանելով, որ քրեական հետապնդում չպետք է հարուցվի, իսկ հարուցված քրեական հետապնդումը ենթակա է դադարեցման, եթե անցել են վաղեմության ժամկետները:

19. Անդրադառնալով սույն վարույթի փաստական հանգամանքներին՝ Վճռաբեկ դատարանն արձանագրում է, որ Ա.Հակոբյանին և Ա.Այվազյանին մեղսագրված՝ ՀՀ նախկին քրեական օրենսգրքի 177-րդ հոդվածի 2-րդ մասի 1-ին և 3-րդ կետերով, Վ.Մանուկյանին՝ ՀՀ նախկին քրեական օրենսգրքի 38-177-րդ հոդվածի 2-րդ մասի 1-ին և 3-րդ կետերով նախատեսված հանցանքները կատարվել են 2019 թվականի փետրվարի 21-ին, իսկ Ա.Այվազյանին մեղսագրված՝ ՀՀ նախկին քրեական օրենսգրքի 177-րդ հոդվածի 2-րդ մասի 3-րդ կետով նախատեսված հանցանքը՝ 2019 թվականի մարտի 21-ին¹⁸: Ա.Հակոբյանի, Վ.Մանուկյանի ու Ա.Այվազյանի մեղավորությունը հաստատող մեղադրական դատավճիռը կայացվել է 2023

¹⁸ Տե՛ս սույն որոշման 11-11.2-րդ կետերը:

թվականի սեպտեմբերի 11-ին¹⁹, որը բողոքարկվել է Վերաքննիչ դատարան, իսկ Վերաքննիչ դատարանը բողոքների քննության արդյունքում որոշում է կայացրել 2024 թվականի հունվարի 11-ին²⁰: Նշված որոշման դեմ մեղադրյալ Ա.Հակոբյանի պաշտպան Ա.Հակոբյանը, մեղադրյալ Վ.Մանուկյանի պաշտպան Ա.Ներսիսյանը և մեղադրյալ Ա.Այվազյանը բերել են վճռաբեկ բողոքներ, որոնք Վճռաբեկ դատարանի՝ 2024 թվականի հունիսի 18-ի որոշմամբ ընդունվել են վարույթ²¹:

20. Մեջբերված փաստական տվյալների վերլուծությունից հետևում է, որ Ա.Հակոբյանին ՀՀ նախկին քրեական օրենսգրքի 177-րդ հոդվածի 2-րդ մասի 1-ին և 3-րդ կետերով մեղսագրված արարքի՝ որպես միջին ծանրության հանցանքի համար նույն օրենսգրքի 75-րդ հոդվածի 1-ին մասի 2-րդ կետով նախատեսված քրեական պատասխանատվության ենթարկելու հնգամյա ժամկետը լրանալու օրվա՝ **2024 թվականի փետրվարի 21-ի** դրությամբ, վերջինիս նկատմամբ առկա չի եղել օրինական ուժի մեջ մտած մեղադրական դատավճիռ, ուստի նրա նկատմամբ ՀՀ նախկին քրեական օրենսգրքի 177-րդ հոդվածի 2-րդ մասի 1-ին և 3-րդ կետերով քրեական հետապնդումը պետք է դադարեցնել՝ քրեական պատասխանատվության ենթարկելու վաղեմության ժամկետն անցած լինելու պատճառաբանությամբ: Նման պայմաններում Վճռաբեկ դատարանն արձանագրում է, որ Ա.Հակոբյանի պաշտպանի՝ սույն որոշման 5.1-րդ կետում նշված փաստարկին անդրադառնալն առարկայագուրկ է:

Ա.Այվազյանին մեղսագրված վերջին արարքը կատարվել է 2019 թվականի մարտի 21-ին, հետևաբար վերջինիս ՀՀ նախկին քրեական օրենսգրքի 177-րդ հոդվածի 2-րդ մասի 1-ին և 3-րդ կետերով, 177-րդ հոդվածի 2-րդ մասի 3-րդ կետով մեղսագրված արարքների՝ որպես միջին ծանրության հանցանքների համար նույն օրենսգրքի 75-րդ հոդվածի 1-ին մասի 2-րդ կետով նախատեսված քրեական պատասխանատվության ենթարկելու հնգամյա ժամկետը լրանալու օրվա՝ 2024 թվականի մարտի 21-ի դրությամբ, վերջինիս նկատմամբ առկա չի եղել օրինական ուժի մեջ մտած մեղադրական դատավճիռ, ուստի նրա նկատմամբ ՀՀ նախկին քրեական օրենսգրքի 177-րդ հոդվածի 2-րդ մասի 1-ին և 3-րդ կետերով, 177-րդ

¹⁹ Տե՛ս սույն որոշման 2-րդ և 12-րդ կետերը:

²⁰ Տե՛ս սույն որոշման 3-րդ կետը:

²¹ Տե՛ս սույն որոշման 4-րդ կետը:

հողվածի 2-րդ մասի 3-րդ կետով քրեական հետապնդումը ևս պետք է դադարեցնել՝ քրեական պատասխանատվության ենթարկելու վաղեմության ժամկետն անցած լինելու պատճառաբանությամբ: Նման պայմաններում Վճռաբեկ դատարանն արձանագրում է, որ Ա.Այվազյանի՝ սույն որոշման 9.1-րդ կետում նշված փաստարկին անդրադառնալն առարկայագուրկ է:

Միաժամանակ, Վճռաբեկ դատարանն արձանագրում է, որ Ա.Հակոբյանի ու Ա.Այվազյանի նկատմամբ որպես խափանման միջոց կիրառված չհեռանալու մասին ստորագրությունը պետք է վերացնել:

ՀՀ քրեական դատավարության օրենսգրքի 162-րդ հոդվածի բովանդակությունից հետևում է, որ քրեական հետապնդումը դադարեցնելու դեպքում, ելնելով գույքային հայցի ապացուցվածությունից, դատարանն իրավասու է հայցը լրիվ կամ մասնակի բավարարել: Տվյալ դեպքում, թեև Ա.Հակոբյանի ու Ա.Այվազյանի նկատմամբ քրեական հետապնդումը ենթակա է դադարեցման, սակայն նկատի ունենալով, որ «*****» բաց բաժնետիրական ընկերության քաղաքացիական հայցի ապացուցվածությունը դատական վերանայման բողոքներում չի վիճարկվել, Վճռաբեկ դատարանն արձանագրում է, որ Ա.Հակոբյանից ու Ա.Այվազյանից հոգուտ «*****» բաց բաժնետիրական ընկերության համապատասխան գումարները բռնագանձելու մասով Առաջին ատյանի դատարանի դատական ակտը պետք է թողնել անփոփոխ:

20.1. Սույն որոշման 14-րդ և 19-րդ կետերում մեջբերված փաստական տվյալների համադրված վերլուծությունից հետևում է, որ մինչև ՀՀ նախկին քրեական օրենսգրքի 38-177-րդ հոդվածի 2-րդ մասի 1-ին և 3-րդ կետերով մեղսագրված արարքի համար հաշվարկվող վաղեմության ժամկետներն անցնելը Վ.Մանուկյանը, 2022 թվականի դեկտեմբերի 30-ին, կատարել է վաղեմության ժամկետի ընթացքն ընդհատող՝ միջին ծանրության դիտավորյալ նոր հանցանք, որպիսի պայմաններում, Վ.Մանուկյանին ՀՀ նախկին քրեական օրենսգրքի 38-177-րդ հոդվածի 2-րդ մասի 1-ին և 3-րդ կետերով մեղսագրված արարքի համար քրեական պատասխանատվության ենթարկելու վաղեմության ժամկետը ենթակա է հաշվարկման 2022 թվականի դեկտեմբերի 30-ից²²: Նշվածի հաշվառմամբ Վճռաբեկ դատարանն արձանագրում է, որ

²² Տե՛ս Վճռաբեկ դատարանի՝ Միրաժ Ղամբարյանի և այլոց գործով 2014 թվականի մարտի 28-ի թիվ ԵՇԳ/0055/01/11 որոշման 21-րդ կետը:

Վ.Մանուկյանին ՀՀ նախկին քրեական օրենսգրքի 38-177-րդ հոդվածի 2-րդ մասի 1-ին և 3-րդ կետերով մեղսագրված արարքի՝ որպես միջին ծանրության հանցանքի համար նույն օրենսգրքի 75-րդ հոդվածի 1-ին մասի 2-րդ կետով նախատեսված քրեական պատասխանատվության ենթարկելու հնգամյա ժամկետը, սույն որոշումը կայացնելու օրվա դրությամբ լրացած չէ, ուստի, քրեական պատասխանատվության ենթարկելու վաղեմության ժամկետն անցած լինելու հիմքով Վ.Մանուկյանի նկատմամբ ՀՀ նախկին քրեական օրենսգրքի 38-177-րդ հոդվածի 2-րդ մասի 1-ին և 3-րդ կետերով քրեական հետապնդումը ենթակա չէ դադարեցման:

Անդրադարձ կատարելով Վ.Մանուկյանի պաշտպանի՝ սույն որոշման 7.1-րդ կետում նշված փաստարկներին՝ Վճռաբեկ դատարանը, հիմք ընդունելով մեղադրյալ Վ.Մանուկյանի պատժի անհատականացման գործընթացում հաշվի առնված հանգամանքները, գտնում է, որ նրա նկատմամբ ՀՀ նախկին քրեական օրենսգրքի 38-177-րդ հոդվածի 2-րդ մասի 1-ին և 3-րդ կետերով նշանակվել է համաչափ պատիժ:

Վճռաբեկ դատարանը գտնում է, որ հիմնավորված և պատճառաբանված են նաև Վ.Մանուկյանի կողմից նրա նկատմամբ նշանակված պատիժը ռեալ կրելու անհրաժեշտության մասին ստորադաս դատարանների հետևությունները: Ուստի, Վճռաբեկ դատարանի համար ընդունելի չէ բողոքաբերի՝ ազատագրկման ձևով նշանակված պատիժը Վ.Մանուկյանի կողմից կրելու անհրաժեշտության մասին ստորադաս դատարանների հետևությունը պատճառաբանված չլինելու պնդումը: Այս համատեքստում, գնահատելով պատժի անհատականացման գործընթացում սույն վարույթով արձանագրված հանգամանքները, Վճռաբեկ դատարանը ևս գտնում է, որ այդպիսիք չեն կարող ողջամտորեն նվազեցնել Վ.Մանուկյանի անձի և նրա կատարած արարքի հանրային վտանգավորության աստիճանն ու ազատագրկման ձևով նշանակված պատիժը պայմանականորեն չկիրառելու հիմք հանդիսանալ: Հետևաբար, Վ.Մանուկյանի մասով դատական ակտերը պետք է թողնել անփոփոխ:

21. Ելնելով վերոգրյալից և ղեկավարվելով Հայաստանի Հանրապետության Սահմանադրության 162-րդ, 163-րդ և 171-րդ հոդվածներով, 2021 թվականի հունիսի 30-ին ընդունված ՀՀ քրեական դատավարության օրենսգրքի 12-րդ, 31-րդ, 34-րդ, 264-րդ, 281-րդ, 361-րդ, 363-րդ, 385-րդ ու 387-րդ հոդվածներով՝ Վճռաբեկ դատարանը

1. Արագածոտնի մարզի առաջին ատյանի ընդհանուր իրավասության դատարանի՝ 2023 թվականի սեպտեմբերի 11-ի դատավճիռն և այն անփոփոխ թողնելու մասին ՀՀ վերաքննիչ քրեական դատարանի՝ 2024 թվականի հունվարի 11-ի որոշումը մասնակիորեն փոփոխել:

2. Անուշավան Գևորգի Հակոբյանի նկատմամբ 2003 թվականի ապրիլի 18-ին ընդունված ՀՀ քրեական օրենսգրքի 177-րդ հոդվածի 2-րդ մասի 1-ին և 3-րդ կետերով քրեական հետապնդումը դադարեցնել՝ քրեական պատասխանատվության ենթարկելու վաղեմության ժամկետն անցած լինելու հիմքով:

Անուշավան Գևորգի Հակոբյանի նկատմամբ որպես խափանման միջոց կիրառված չհեռանալու մասին ստորագրությունը՝ վերացնել:

3. Արտակ Ռոբերտի Այվազյանի նկատմամբ 2003 թվականի ապրիլի 18-ին ընդունված ՀՀ քրեական օրենսգրքի 177-րդ հոդվածի 2-րդ մասի 1-ին և 3-րդ կետերով, 177-րդ հոդվածի 2-րդ մասի 3-րդ կետով քրեական հետապնդումը դադարեցնել՝ քրեական պատասխանատվության ենթարկելու վաղեմության ժամկետն անցած լինելու հիմքով:

Արտակ Ռոբերտի Այվազյանի նկատմամբ որպես խափանման միջոց կիրառված չհեռանալու մասին ստորագրությունը՝ վերացնել:

4. Ստորադաս դատարանների դատական ակտերը մնացած մասով թողնել անփոփոխ:

Որոշումն օրինական ուժի մեջ է մտնում կայացնելու օրը:

Նախագահող՝ _____ Հ.ԱՄԱՏՐՅԱՆ

Դատավորներ՝ _____ Ս.ԱՎԵՏԻՍՅԱՆ

_____ Ա.ԴԱՆԻԵԼՅԱՆ

_____ Լ.ԹԱԴԵՎՈՍՅԱՆ

_____ Ա.ՊՈՂՈՍՅԱՆ